

Na osnovu odredbi članova 18. i 38. stav (4) Pravila Studentskog centra Islamske zajednice u Bosni i Hercegovini, Upravni odbor Studentskog centra Islamske zajednice u Bosni i Hercegovini na svojoj drugoj redovnoj sjednici održanoj dana 04. zul-ka'dea 1447. god. po H., odnosno 21. aprila 2026. godine, donio je

**KRITERIJI ZA BODOVANJE DOKUMENTACIJE KANDIDATA ZA PRIJEM U DOM  
STUDENTSKOG CENTRA ISLAMSKJE ZAJEDNICE U BOSNI I HERCEGOVINI  
(novi prečišćeni tekst)**

**I OPŠTE ODREDBE**

**Član 1.**

Kriterijima za bodovanje dokumentacije kandidata za prijem u dom Studentskog centra IZ u BiH (u daljem tekstu: Kriteriji) uređuju se: uslovi, kriteriji, postupak i organi nadležni za prijem studenata u studentski dom Studentskog centra IZ u BiH (u daljem tekstu: Studentski centar).

**II USLOVI ZA PRIJEM STUDENATA U DOM STUDENTSKOG CENTRA**

**Član 2.**

- (1) Pravo na smještaj student ostvaruje na osnovu ostvarenih bodova u konkursnom postupku za prijem studenata, koji se raspisuje za svaku akademsku godinu.
- (2) Pravo na korištenje smještaja, ishrane i drugih uslova u studentskom domu imaju redovni studenti Fakulteta islamskih nauka u Sarajevu.
- (3) Ukoliko postoje slobodni kapaciteti, pravo na korištenje usluga u domu Studentskog centra imaju:
  - a) vanredeni studenti Fakulteta islamskih nauka čije je mjesto stalnog boravka izvan sjedišta Studentskog centra, u vrijeme polaganja ispita, obavljanja obaveznih programa praktične nastave, odbrane diplomskih i magistarskih radova i slično,
  - b) studenti drugih univerziteta i fakulteta, ukoliko su prethodno završili medresu,
  - c) studenti strani državljani po principu međuuniverzitetske razmjene, potpisanog protokola i drugih vidova saradnje Zajednice,
  - d) iznimno, Upravni odbor može odobriti korištenje usluga u domu Studentskog centra osobama sa posebnim statusom.
- (4) Prednost prilikom prijema studenata u dom Studentskog centra IZ u BiH pod uslovima koji se navode u stavu (2) i (3) imaju studenti čiji su roditelji/staratelji članovi Islamske zajednice.
- (5) Pravo na smještaj u narednoj akademskoj godini nemaju:
  - a) studenti korisnici doma koji su u tekućoj godini počinili teži disciplinski prijestup zbog povrede odredaba iz člana 17. Pravilnika o kućnom redu te im izrečena disciplinska mjera isključenje iz studentskog doma na jednu godinu ili isključenje iz studentskog doma za vrijeme studiranja,
  - b) studenti korisnici doma koji u prošloj godinu nisu izvršili svoje finansijske ili druge ugovorene obaveze prema Studentskom centru IZ u BiH.

### Član 3.

Ukoliko se smještajni kapaciteti u domu Studentskog centra ne popune u skladu sa članom 2. Kriterija, pravo na prijem u studentski dom imaju redovni studenti drugih fakulteta Univerziteta u Sarajevu koji nisu navedeni u pomenutom članu.

## III KRITERIJI ZA BODOVANJE DOKUMENTACIJE STUDENATA

### Član 4.

(1) Rangiranje studenata za prijem u dom Studentskog centra vrši se na osnovu sljedećih kriterija:

- a) uspjeh tokom školovanja..... 60 bodova
- b) materijalni položaj ..... 20 bodova
- c) prioritet pri smještaju ..... 20 bodova

(2) Maksimalan broj bodova po osnovu utvrđenih kriterija iznosi 100 bodova.

(3) Studentima koji su treći put upisani u određenu godinu studija ili studenti koji su prethodno dva puta obnavljali upis na bilo koju akademsku godinu tokom studija, umanjit će se ukupan broj ostvarenih bodova na konkursu za 30%”.

### Član 5.

(1) Po kriteriju „uspjeh tokom školovanja“ student može ostvariti sljedeći broj bodova:

a) za ostvarenu prosječnu ocjenu tokom školovanja student može dobiti maksimalno 50 bodova

\* broj bodova se utvrđuje prema sljedećoj formuli:

prosjeck ocjena/maksimalan prosjeck ocjena x maksimalan broj bodova

b) za ostvareni uspjeh na međunarodnim takmičenjima u tekućoj akademskoj/školskoj godini:

osvojeno prvo mjesto ..... 08 bodova

osvojeno drugo mjesto ..... 07 bodova

osvojeno treće mjesto ..... 06 bodova

učešće na takmičenju..... 05 bodova

c) za ostvareni uspjeh na državnim takmičenjima u tekućoj akademskoj/školskoj godini ili na nivou Rijasetu :

osvojeno prvo mjesto ..... 07 bodova

osvojeno drugo mjesto ..... 06 bodova

osvojeno treće mjesto ..... 05 bodova

učešće na takmičenju..... 04 boda

d) za ostvareni uspjeh na entitetskim takmičenjima u tekućoj akademskoj/školskoj godini:

osvojeno prvo mjesto ..... 06 bodova

osvojeno drugo mjesto ..... 05 bodova

osvojeno treće mjesto ..... 04 boda

učešće na takmičenju..... 03 boda

e) za ostvareni uspjeh na kantonalnim takmičenjima u tekućoj akademskoj/školskoj godini ili na nivou muftijstva:

osvojeno prvo mjesto ..... 05 bodova

osvojeno drugo mjesto ..... 04 boda

osvojeno treće mjesto ..... 03 boda

učesće na takmičenju..... 02 boda

f) za ostvareni uspjeh na općinskim takmičenjima u tekućoj akademskoj/školskoj godini ili na nivou medžlisa:

osvojeno prvo mjesto ..... 04 bodova

osvojeno drugo mjesto ..... 03 boda

osvojeno treće mjesto ..... 02 boda

učesće na takmičenju..... 01 bod

g) za učenika generacije u prethodnoj školskoj godini ..... 10 bodova

h) za zvanje hafiza ..... 10 bodova

(2) Po kriterijima iz prethodnog stava, student može ostvariti po svim osnovama najviše 60 bodova.

#### Član 6.

(1) Po kriteriju „materijalni položaj“ studentu pripada sljedeći broj bodova:

a) bez prihoda po osnovu nezaposlenosti oba roditelja/staratelja ..... 20 bodova

b) student iz porodice korisnika socijalne pomoći ..... 15 bodova

c) bez prihoda po osnovu nezaposlenosti jednog roditelja/staratelja ..... 08 bodova

d) prihodi članova užege porodičnog domaćinstva do 50% od prosječne plate u

Federaciji BiH..... 10 bodova

e) prihodi članova užege porodičnog domaćinstva preko 50% do 70% od prosječne plate u

Federaciji BiH..... 08 bodova

f) prihodi članova užege porodičnog domaćinstva preko 70% od prosječne plate u

Federaciji BiH..... 05 bodova.

(2) Prilikom primjene ovog kriterija, u obzir se uzima prosječna plata u FBiH prema posljednjim objavljenim podacima Federalnog zavoda za statistiku.

(3) Pod članovima užege porodičnog domaćinstva, u smislu ovog Pravilnika, podrazumijevaju se: roditelji/staratelj, braća i sestre (kućna lista), a ako je student u braku, braćni drug.

(4) Po kriteriju iz stava (1) student može ostvariti po svim osnovama najviše 20 bodova.

#### Član 7.

(1) Po kriteriju „prioritet pri smještaju“ studentu pripada sljedeći broj bodova:

a) student ili članovi porodice RVI, mirnodopski vojni invalid, civilne žrtva rata ili osobe sa invaliditetom:

- invalidnost od 70% - 100% ..... 15 bodova

- invalidnost od 50% - 69% ..... 10 bodova

- invalidnost do 49 % ..... 05 bodova

b) studentu po ukupnom broju članova domaćinstva (kućna lista):

- preko pet članova ..... 10 bodova
- četiri do pet članova ..... 08 bodova
- do tri člana ..... 05 bodova
- c) studentu čiji su roditelji/staratelji demobilisani borci OS BiH:
  - demobilisana oba roditelja/staratelja ..... 10 bodova
  - demobilisan jedan roditelj/staratelj ..... 05 bodova
- d) studentu prema mjestu prebivališta i boravka u domu:
  - studentu iz povratničkih naselja ..... 09 bodova
  - studentu Bošnjaku iz dijaspore ..... 08 bodova
  - studentu iz zemalja okruženja (Hrvatske, Srbije, Crne Gore, Slovenije, Sjeverne Makedonije i Kosova), te drugi strani državljani na osnovu međuniverzitetske razmjene, potpisanog Protokola i drugih vidova saradnje Zajednice ..... 07 bodova
  - studentu koji je boravio u domu tokom cijele akademske godine bez raskidanja ugovora a da mu nije izrečena Opomena za kršenje odredaba Pravilnika o kućnom redu ..... 02 boda
- e) studentu koji je u prošloj akademskoj godini prilikom boravka u domu učestvovao u nekoj od edukativnih aktivnosti ili je član nekog od edukativnih klubova ..... do 10 bodova
  - a) za prisustvo na aktivnosti ..... 4 boda
  - b) za učešće na aktivnosti ili članstvo ..... 6 bodova

Napomena:

- po osnovu boravka u domu student može dobiti maksimalno 6 bodova
- po osnovu edukativnih aktivnosti student može dobiti maksimalno 10 bodova

(2) Studentu bez roditeljskog staranja ..... 15 bodova.

(3) Po kriterijima iz stava (1) i (2) student može ostvariti po svim osnovama najviše 20 bodova.

#### **Član 8.**

U slučaju ostvarenog istog broja bodova na rang listi, prednost pri prijemu student ostvaruje po sljedećem redosljedju:

- student ili članovi porodice RVI, mirnodobski vojni invalid, civilne žrtva rata ili osobe sa invaliditetom sa većim procentom invalidnosti pri čemu se uzima u obzir stepen invalidnosti od 60% do 100%;
- student lošijeg materijalnog položaja;
- student čiji su roditelji/staratelji demobilisani borci OS BiH;
- student koji je ostvario veću prosječnu ocjenu.

### **IV POSTUPAK I ORGANI NADLEŽNI ZA PRIJEM STUDENATA U STUDENTSKE DOMOVE**

#### **Član 9.**

(1) Prijem studenata na smještaj, ishranu i korištenje drugih usluga u Studentskom centru vrši se na osnovu konkursa koji na prijedlog direktora raspisuje Upravni odbor.

(2) Konkurs iz prethodnog stava se objavljuje u sredstvima informisanja Osnivača.

(3) Konkurs je otvoren 30 (trideset) dana od dana objavljivanja i obavezno sadrži:

- a) broj slobodnih mjesta u Studentskom centru;
- b) kriterije za izbor kandidata;
- c) rok za podnošenje prijava;
- d) druge elemente konkursa koje ustanovi Upravni odbor.

### Član 10.

(1) Uz prijavu na Konkurs kandidat je dužan dostaviti sljedeću dokumentaciju (obavezna dokumentacija):

1. a. uvjerenje visokoškolske ustanove da je redovan student;  
b. novoupisani studenti podnose ovjerenu kopiju svjedočanstva iz završnog razreda srednje škole.
2. kopiju lične karte i CIPS-ovu prijavu, ne stariju od šest mjeseci (CIPS-ov dokument – kopija) (Studenti strani državljanin dostavljaju kopiju pasoša ili lične karte);
3. ovjereno Rješenje o administrativnoj zabrani na dio plaće za otplatu neizmirenih obaveza u vezi sa smještajem i ishranom studenta, koju popunjava član uže porodice koji se nalazi na kućnoj listi studenta aplikanta sa stalnim zaposlenjem ili drugo fizičko lice sa stalnim zaposlenjem kod pravnog lica (primjerak rješenja se nalazi na web stranici Studentskog centra IZ u BiH a ovjerava ga poslodavac) ili ovjerena izjava od strane nadležnog organa roditelja ili drugog fizičkog lica koje se obavezuje da će za tekuću akademsku godinu redovno izmirivati obaveze u vezi sa smještajem i ishranom studenta (ime i prezime) korisnika usluge u domu Studentskog centra IZ u BiH sa potvrdom o stalnom zaposlenju ili ovjerena izjava od strane nadležnog organa davaoca stipendije da će za tekuću akademsku godinu redovno izmirivati obaveze u vezi sa smještajem i ishranom studenta (ime i prezime) korisnika usluge u domu Studentskog centra IZ u BiH.

(Napomena: Rješenje o administrativnoj zabrani aktivirat će se u slučaju neizmirenja obaveza)

(2) Dodatnu dokumentaciju koja se uzima u obzir pri bodovanju i rangiranju, kandidat, u zavisnosti o pripadnosti nekoj od sljedećih kategorija, dostavlja:

1. uvjerenje o prosječnoj ocjeni ostvarenoj tokom studija (prepis ocjena sa fakulteta), odnosno prosjek ocjena u srednjoj školi za novoupisane studente (svjedočanstva I,II,II i IV razreda);
2. potvrdu/uvjerenje o osvojenim nagradama na takmičenjima na međunarodnom nivou, državnom ili nivou Rijasetu, entitetskom, na kantonalnom ili na nivou muftijstva i općinskom ili na nivou medžlisa, u tekućoj akademskoj, odnosno završenoj školskoj godini;
3. diploma o izboru za učenika generacije u prethodnoj školskoj godini;
4. diploma o stečenom zvanju Hafizu-l- Kur'ani-l-kerim;
5. potvrdu od Biroa za zapošljavanje o nezaposlenosti roditelja ili staratelja;
6. uvjerenje da je student član porodice koja ostvaruje stalnu novčanu pomoć;
7. potvrdu o prosječnoj plaći za svakog zaposlenog člana užeg porodičnog domaćinstva ostvarenoj u posljednja tri mjeseca, odnosno ovjerena fotokopija tri zadnja čeka za svakog člana užeg porodičnog domaćinstva koji primaju penziju;
8. potvrdu/uvjerenje o stepenu invalidnosti izdatu od strane nadležne Komisije (lična ili članova porodice);

9. uvjerenje o zajedničkom domaćinstvu (kućna lista);
10. potvrda/uvjerenje o učešću u Armiji RBiH (roditelja ili staratelja);
11. izvod iz matične knjige umrlih za slučaj iz člana 7. stav (2) ovog Kriterija;
12. dokaz za ostale kriterije „prioritet pri smještaju“ :
  - a) po osnovu mjesta prebivališta i boravka u domu je svojeručno potpisana izjava koju će Komisija provjeriti na osnovu službene evidencije i dostavljene CIPS-ove prijave
  - b) po osnovu učešća u edukativnim aktivnostima je potvrda potpisana od strane stručnog saradnika za edukativne aktivnosti i druge programe.

#### **Član 11.**

- (1) Prijave na konkurs sa potrebnom dokumentacijom podnose se sekretaru Studentskog centra.
- (2) Pravo učešća na konkurs nema:
  - a) student koji je u tekućoj akademskoj godini počinio teži disciplinski prijestup zbog povrede odredaba iz člana 17. Pravilnika o kućnom redu;
  - b) student koji do dana objavljivanja konkursa nije izmirio svoje ugovorene obaveze iz tekuće i prethodnih akademskih godina prema Studentskom centru.

#### **Član 12.**

Neblagovremene i nepotpune prijave ne uzimaju se u razmatranje.

#### **Član 13.**

Potvrdu o upisu na fakultet studenti su dužni dostaviti najkasnije do 01. novembra tekuće akademske godine.

#### **Član 14.**

- (1) Postupak prijema studenata u studentske domove provode komisije koje imenuje Upravni odbor i direktor.
- (2) Centralna nadzorna komisija koju imenuje Upravni odbor se sastoji od 4 (četiri) člana, od kojih je jedan predstavnik Osnivača, 2 (dva) su predstavnika službenika Studentskog centra i 1 (jedan) predstavnik studenata.
- (3) Komisija za obradu i bodovanje aplikacija i raspodjelu mjesta i komisija za žalbe koju imenuje direktor se sastoji od 3 (tri) člana, od kojih su 2 (dva) predstavnika službenika Studentskog centra i 1 (jedan) predstavnik studenata.

#### **Član 15.**

- (1) Komisija za obradu i bodovanje aplikacija i raspodjelu mjesta dužna je pregledati sve aplikacije, ocijeniti ih u pogledu ispunjavanja konkursnih uslova, te na osnovu ostvarenih bodova i prava na korištenje smještaja, utvrditi preliminarnu listu primljenih kandidata i listu kandidata koji ne ispunjavaju uslove konkursa i dostaviti je centralnoj nadzornoj komisiji na uvid.
- (2) Centralna nadzorna komisija analizira preliminarnu listu i listu kandidata koji ne ispunjavaju uslove konkursa i oglašava ih.

(3) Učesnik konkursa ima pravo prigovora na preliminarnu listu u roku tri dana od dana oglašavanja koji upućuje komisiji za obradu i bodovanje. Ako komisija za obradu i bodovanje ne prihvati prigovor, učesnik konkursa može podnijeti žalbu komisiji za žalbe čija je odluka konačna.

(4) Konačnu listu primljenih kandidata centralna nadzorna komisija objavljuje na oglasnim tablama Studentskog centra i na vlastitoj web-stranici.

(5) Bliže odredbe koje se odnose na način rada i nadležnost pomenutih komisija definisane su Pravilima Studentskog centra IZ u BiH.

#### Član 16.

(1) Na osnovu konačne liste direktor zaključuje ugovor sa studentima kojim se uređuju prava i obaveze, način plaćanja usluga i druga relevantna pitanja u skladu sa odlukama Osnivača i organa upravljanja.

(2) Prilikom zaključivanja Ugovora student je dužan priložiti ljekarsko uvjerenje koje ne može biti starije od 6 mjeseci a student prve godine studija fotokopiju ljekarskog uvjerenja predatog studentskoj službi Univerziteta.

#### Član 17.

Bliže odredbe koje se odnose na smještaj studenata, useljenje, raspored studenata po sobama, kontrola prava na smještaj i iseljenje studenata iz doma, mogućnost raskida ugovora te prava i obaveze studenata stanara studentskog doma su definisana Pravilnikom o kućnom redu.

#### Član 18.

Ovaj Kriteriji stupa na snagu danom donošenja.

Prilog:

1. Tabela 1

Djelovodni broj: 02-1-137/26

Datum: 04. zul-ka'de 1447. god. po H.

21. april 2026. godine

Predsjednik Upravnog odbora  
Seid Eminović



